



Kalaallit Qallunaat Nunaanni ilinniagaqartut ineqarnikkut amerlanernik periarfissinneqarnissaannut Naalakkersuisut pisariaqartitsinermik inissanillu amerlanernik pissarsisinnaanermik misissuinissamik peqquneqarnissaannut Inatsisartuni aalajangiiffigisassatut siunnersuut.

(Inatsisartunut ilaasortaq Mimi Karlsen, Inuit Ataqatigiit)

(Siullermeerneqarnera)

Qujanaq IA-miik Mimi Karlsennip siunnersuutaanut.

Demokraatiniik siullermik isumaqarpugut ilinniarnissamut aallartinniarlutik ilinnialerniartut inissaaleqinertik pillugu aallartinggittoortartut ukiuni kingullerni amerlangisassaangittut.

Aamma isumaqarpugut taamatut aallartinniarluni ilinniakkamik inissamik ujaasilluni ilungersunarnera arlaatigut akisussaaftimmik tunisinerusooq, imannak paasillugu, ilinnialersussaq ilungersuuteqarsimanguni inissamik nassaarnissamik aammalu iluatsillugu taava pitsaaqutaa tassaavoq nukinnik atuisimalluni, iluatsitsimallunilu ilungersunarnera eqqarsaatingalugu ilinniakkamik unitsitsiinnannginnissaq annertunerunissaa ilimanarluinnarmat.

Sunaluunniit nukinnik atuiffingalugu anguniarlugu uniinnannginnissamut noqitsisarmat.

Taamaakkaluartooq naalakkersuisut akissutiminni erseqqissarpaat siunnersuutip ingerlateqqinnissaa tapersersorlugu. Tamannalu demokraatiniik aamma taperserusupparput ataatsimiitsitaliami ingerlaqqinnissaa, una ersarissumik paaserusullugu arlaatigut ilungersunarnera pillugu qallunaat nunaannut qinnuteqartannginneq pisarnersoq. Kiisalu aamma paaserusunnarpoq ilumut arlaatigut ajornannginnerulersitsisoqarsinnaanersoq. Soorunalimi taakkua paasissallugit peqataaffingerusupparput.

Kisianni aamma kissaatinginaqaaq nukiit pingineqareersut atorlugit misissuineq ingerlanneqarsinnaannginnersoq.

Taamatut oqaaseqarluta siunnersuut ilinniartitaanermut ataatsimiitsitaliamut ingerlateqqinneqarnissaa innersuussutingaarput.